

IV. OPOSICIÓN E CONCURSOS

SERVIZO GALEGO DE SAÚDE

RESOLUCIÓN do 14 de outubro de 2019, da Dirección Xeral de Recursos Humanos, pola que se aproba a relación de prazas que se ofertan e se convocan para o acto de elección de destino os/as aspirantes seleccionados/as no proceso selectivo para o ingreso na categoría de enxeñeiro/a técnico/a.

A base novena da Resolución do 1 de marzo de 2018 (*Diario Oficial de Galicia* nº 51, do 13 de marzo) pola que se convoca concurso-oposición para o ingreso na categoría de enxeñeiro/a técnico/a do Servizo Galego de Saúde dispón que, comprobada a documentación de todos/as os/as aspirantes aprobados/as, a Dirección Xeral de Recursos Humanos publicará no *Diario Oficial de Galicia* a relación definitiva de aspirantes seleccionados/as, as prazas que se lles ofertan e o procedemento e prazo para que estes manifesten a súa opción polos destinos ofertados.

Finalizado o prazo de presentación de documentación, esta dirección, como órgano convocante do proceso,

RESOLVE:

Primeiro. Publicar, como anexo I, a relación de aspirantes definitivamente seleccionados/as no concurso oposición para o ingreso na categoría de enxeñeiro/a técnico/a do Servizo Galego de Saúde, convocado pola Resolución da Dirección Xeral de Recursos Humanos do 1 de marzo de 2018.

Segundo. Aprobar a relación de prazas que se ofertan aos/ás aspirantes seleccionados/as no proceso e que figura como anexo II desta resolución.

As prazas que se ofertan corresponden sempre a prazas básicas da correspondente categoría, de conformidade co establecido no artigo 17 do Decreto 206/2005, do 22 de xullo.

Terceiro. Convocar os/as aspirantes seleccionados/as que se indican no anexo I desta resolución para que en único chamamento e acto e pola orde que nel se establece, en aplicación das bases da convocatoria, elixan destino definitivo.



O acto de elección de destino terá lugar o día 25 de outubro de 2019, ás 12.30 horas no salón de actos da Consellería de Sanidade, Edificio Administrativo San Lázaro, s/n, Santiago de Compostela.

O acto de elección desenvolverase consonte o seguinte procedemento:

a) As persoas aspirantes deberán comparecer provistas de documento nacional de identidade ou outro documento que acredite de modo fidedigno a súa identidade.

b) A solicitude que formulen as persoas aspirantes será vinculante e irrenunciable.

c) Os/as aspirantes que non comparezan persoalmente poderán ser representados/as por terceiras persoas provistas de poder suficiente.

d) O/a aspirante seleccionado/a que non opte por un destino, na data e de acordo co procedemento establecido, non poderá ser nomeado/a, e quedarán sen efecto todas as súas actuacións. En todo caso, non serán tidas en conta causas de forza maior ou calquera outra causa para emendar a non elección de destino.

e) Por razóns organizativas e de limitación da capacidade do recinto, poderase limitar a presenza de persoas que acompañen ao/á aspirante no acto de elección.

Cuarto. Contra a presente resolución, que pon fin á vía administrativa, poderase interpoñer recurso potestativo de reposición ante este órgano directivo, no prazo dun mes a partir do día seguinte ao da súa publicación, de conformidade co disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou poderase impugnar directamente na xurisdición contencioso-administrativa nos termos da Lei 29/1998, do 13 de xullo.

Santiago de Compostela, 14 de outubro de 2019

Margarita Prado Vaamonde
Directora xeral de Recursos Humanos





ANEXO I

Relación de aspirantes definitivamente seleccionados/as

Enxeñeiro/a técnico/a

Nº	DNI	Apelidos e nome	Acceso	Nota OPE	Formación	Experiencia	Outras actividades	Total
1	***5688**	Folgueira Meilan, Carlos	PI	43,375	4,930	18,330	0,000	66,635
2	***2028**	Castro Sánchez, Juan Carlos	PI	39,500	8,000	8,650	0,000	56,150
3	***4778**	López Gómez, Silvia	PI	37,125	8,000	3,860	0,000	48,985
4	***2036**	Freire Piñeiro, Juan Carlos	L	43,375	8,000	25,200	0,000	76,575
5	***6598**	Calvo Cheda, Víctor Manuel	L	47,000	6,370	19,200	0,000	72,570
6	***3539**	Juncal Pintos, Roberto	L	38,875	6,760	22,000	0,000	67,635
7	***5085**	Novoa Conde, Xavier	L	38,500	8,000	20,200	0,000	66,700

(*) Ocúltase parcialmente o número de documento nacional de identidade para preservar os datos de carácter persoal, de acordo coa Lei orgánica 3/2018, do 5 de decembro.

ANEXO II

Destinos que se ofertan

Enxeñeiro/a técnico/a

Centro directivo	Centro/s	Quenda	Localidade	Núm. prazas
EOXI A Coruña	EOXI Coruña	-	Coruña, A	2
EOXI Ferrol	EOXI Ferrol	-	Ferrol	1
EOXI Ourense-Verín-O Barco	EOXI Ourense-Verín-O Barco	-	Ourense	1
EOXI Pontevedra-Salnés	EOXI Pontevedra-Salnés	-	Pontevedra	1
EOXI Vigo	EOXI Vigo	-	Vigo	2